

YE-HƎCRUUNLE,

Pɔlv gba la

TIMOTE

ye

1 ¹Mɔ Pɔlvu ni, -ɔɔ 'cruɛ -gbo 'cru. 'Mɔ mɔ -Yusu 'Klɩsu a -wɔnnanyɔɔ'ɔ ni, -ɛ nue, -a ni Waanyɔ Nyɩsua kɔ -Yusu 'Klɩsu 'hɛɛn, nu- le 'mv. -Yusu 'Klɩsu a -gbɛ, nɔ- di dɛ =nu nu, -aa -pre. ²Timote o, -mɔɔ ni, 'nu -wɔn 'cru. 'Mɔ kɔ 'mv Nyɩsua naa 'le, 'plu =ni kuo kɛ -Yusu =wlv ye. Nɛ- nue, =ni 'ya 'na 'yu 'mv. -A ni Bu Nyɩsua kɔ -a ni Kɔkɔnyɔ -Yusu 'Klɩsu 'hɛɛn, bu nu -mv =hapudɛ 'mv, bu yrii -na wɔli, kɔ, bu -nyi -wɛ -mv kegbowɛɛnle.

Ba -gbɛɛ 'a ni dɩɔnu, 'ke 'o hɩtɔɔlɛ a -ta 'mv

³-Ye 'klɛɛ, ti =nu -kɔ 'yri 'nu o Masedvanɩblugba 'mv mu, 'n le o -mv ni, -bo ni o 'le Efesɩdɔ 'mv gbo. -Tɩ -do a -gbɛ, 'n =tu o -mv ye, ni- 'n 'kɩɛ =tue: -bo ni 'le Efesɩ 'mv gbo, -ɛ nue, 'ke 'le Efesɩ 'mv, 'ke nahuin -ye ni 'le, -ti =nu, 'n 'de =nu tɔɔ, 'ke 'o Nyɩsua a -ti a -ta 'mv, ni- uv nahuin tɔɔ. Le =nu, bu 'kee 'a nunue. ⁴Le -wɛ =nu, bu 'kee hɩdatɩgbɩ a yre-mumale, 'ke 'o Nyɩsua a -ti ke, kɔ, bu 'kee -wɛ gblɛ a pupue, 'ke 'o -a ni bunv a =hɩn a =hɩn a -ta 'mv. -Tɔplɩdv a -gbɛ, ɩ nye 'ni nu, nahuin 'uv gblɛ -pɛtu po, kɛɛ, ɩ 'ni -hɛ =le nahuin 'mv, 'ke bu wɛɛn dɛ =nu ke, Nyɩsuaa -hva, -ɛ nye nu, 'v nyo =wlv ye kuo, Nyɩsua 'v nyu waa. ⁵Dɛ -mɔ dɛ gblaka, 'ke 'le Nyɩsua a -ti a tɔɔlɛ 'kwli 'mv, nɛ- mɔ -Yusu a nahuin bu kɔ 'munvɛɛ. Nahuon 'bɔ ni 'o, 'a =wlv 'bu 'sii 'o ye, 'a =wlv 'bu 'nɩnɩ yɛɛ =nɔ -ti, 'bɔ kuo -Yusu =wlv ye -tɛɛ, -ye nahuon a -gbɛ, ɔ di kɔ 'munvɛɛ =nu, -ɛ kɔ -ti 'nu =tu. ⁶Kɛɛ, 'ke 'le Efesɩ 'mv, ɛ kɔ tɔɔnyv -ye, 'v hie 'o =haputɔɔlɛ gbo, 'uv gblɛ po, -ɛ 'nɩnɩ da dɛ =de. ⁷Uv -hva bu 'ya Nyɩsua a teteitɔɔnyv gblakɩ 'mv, kɛɛ, 'ke 'le -tɛɛkɔ 'kwli 'mv, -ti

=nu, ʋʋ tɔɔ, ʋ 'di yi, kɔ, -ti =nu, 'waa -gbɛ, ʋ pue -tɛɛ, -i kɔ ke ʋʋ 'o 'prɛɛ 'dɔ, ʋ 'ni yrii -le 'mu le.

⁸-A yie ni, -ɛ mɔ, Nyɪsɪva a tetei mɔ =hapudɛɛ ni, 'bia -ti -gbo, u -tu, -baa le 'a nahuin a tɔɔle nu. ⁹-Ba kɔ 'a yiye, -ɛ mɔ, Nyɪsɪva 'de tetei a -gbɛ nu, 'ke 'o nahuin =nu -wɔn, -ʋʋ 'a kewɛɛnle nu, kɛɛ, ɔ nui ni, 'ke 'o de'kukununyɔ -wɔn. De'kukununyɔ a -gbɛ, ʋ 'ni -tuu -le 'o Nyɪsɪva kɔ 'a tetei 'hɛɛn, kɔ, 'ʋ 'de -wɛ 'o 'waa 'bienu -tɔnahuin a 'o=tuule kɔ, 'waa =wɛ 'i yraa Nyɪsɪva a -ti, 'ʋʋ nahuin 'la, mɔ =betɪ bɛ 'ya 'waa bu kɔ 'waa 'dii 'hɛɛn 'mu, ¹⁰'ʋʋ 'lalu nu, kɔ 'ɛ ni 'kubapudɛ -de 'hɛɛn, nyɪbɛpu 'ʋʋ 'waa 'bie nyɪbɛpu nyɪv 'mu nuu, 'ʋʋ -tɔnahuin a 'yɔ 'yri, 'ʋ nyu -go 'mu nuu, 'ʋʋ hi le 'du, kɔ, 'bɔ =tu -ti, ʋ 'ni nui -le. Nahuindu a -gbɛ, -tɔplɪ 'bii -nu, ʋʋ nu, i kɔ =haputɔɔle 'hɛɛn, i 'de pɛ. ¹¹-Haputɔɔle a -gbɛ, Nyɪsɪva a =haputitie, nɛ-nye -a mu tɔɔ. =Haputitie a -gbɛ, Nyɪsɪva, nɔ- le 'mu, 'ke =bo pue nahuin. =Haputitie a -gbɛ, ɛɛ -a mu tɔɔ Nyɪsɪva a -ti a 'yi'bubɔa, Nyɪsɪva =nu, -ɔɔ -a mu plɔ a bleɛle -nyi.

Pɔlvɔ -Yusu -nyi 'wio, =hapudɛ =nu, ɔ nuo 'mu a -ti

¹²'Nu -Yusu 'Klɪsɪ -nyi 'wio, -ɔ mɔ -a ni Kɔkɔnyɔ. Nɔ- -nyi 'mu 'klɪ, 'ke =bo nu -kuan -gbo, ɔ -nyi 'mu. 'N nyo -nyi 'wio, -tɛ ɔ nu, 'ɔ -ha 'le 'mu du 'mu, 'ke =bo 'ya 'a -kuannunyɔ 'mu, ¹³'mɔ -gbo, ti -hi la a ti 'yri, -ɔɔ la 'a 'du 'yi le nyre, -ɔ nyo la =sɔɛ =tue, ɔ kɔ 'a nahuin 'hɛɛn, -ɔ nyo la tanɪ =tu. Kɛɛ, Nyɪsɪva 'ye 'na wɔɪ, -ɛ nue, 'n 'de la -Yusu 'Klɪsɪ =wɛ ye kuo, kɔ, de =nu, 'nu la nu, 'n 'die la yi. ¹⁴-Ye -a ni Kɔkɔnyɔ, ɔ nu 'mu 'mu =hapudɛ 'dɔ, 'ke 'le -gbɔgbɛkɔ 'kwli 'mu. ɔ nue ni, 'ni kuo =wɛ ye, kɔ, 'ni kɔ 'a 'munɔɛɛ.

¹⁵ɛ kɔ wintɛ -ye, 'ɛ mɔ -tɛɛ a wintɛ. Nahuin 'bii blɛ ye bu kue =wɛ ye. Wintɛ a -gbɛ, nɛ- -gbo: -Yusu 'Klɪsɪ, ɔ di 'le -le, kɛ nɔ -tɔtɔ ke, -ɛ die nu, ɔ 'mu de'kukununyɔ waa. 'Na -gbɛ -gbo, 'mɔ mɔ la de'kukununyɔ a nyɪgblaka. ¹⁶De 'kuku, 'nu la nu a -ti, nɛ- nue, Nyɪsɪva 'ɔ 'ye 'na wɔɪ, 'ɔ nue, -Yusu 'Klɪsɪ 'ɔ 'la =wɛ 'dɔ, 'ke 'o 'na -ta 'mu, =betɪ 'na de 'kuku, 'nu la nu, bɛ -huo. Kɛɛ ni, ɔ nu, 'ɔ titie nahuin ye, -ɛ mɔ, =betɪ nahuon a nununmli 'kukui bɪ -huo, -Yusu 'Klɪsɪ kɔ =wɛ a 'lɪla, 'ke 'o nahuon a -gbɛ a -ta 'mu, -ɛ die nu, 'ɛ ni nahuon, ɔ 'muo =wɛ ye kuo, Nyɪsɪva, ɔ 'mu nahuon a -gbɛ 'klɔ yrayɪv -nyi, -ɔ 'nɪnɪ -wɛ 'le. ¹⁷Nyɪsɪva bɔ kɔ -ti a 'yi'buaale kɔ 'o=tuule, -tɛ 'klɔ tɛ ye gbo. Nɔ- mɔ 'klɔhiebodɔ. ɔ 'ni 'ku -le gbe. Nahuon =de 'ni 'yo -le. ɔ -do, nɔ- mɔ Nyɪsɪva. Kɛ ɛ ni 'mu.

¹⁸'Na 'yu Timote, tiile -gbo, 'nu -mu tii, 'a -ti ni -hri 'le -mu -wɔn: =Tu 'o 'klɪ, 'yilɛnɔ-kuan =nu, -nu nu, -bo nuo -tɛɛ, -ɛ 'we =nɔ ye, -tɛ 'sɔyɔutayuu nu, ɔɔ tɔ -wɔn. Bɪ bi 'le -mu 'kwli 'mu, -ɛ mɔ, Nyɪsɪva a -gbɛɛ ni, -ɔ -nyi -mu 'yilɛnɔ-kuan a -gbɛ. Nɔ- nu o 'le 'a winwɔn-henyɔ wɔn, 'ʋ =tui o. ¹⁹'Cipi 'o -Yusu a =wɛ a yekuole. Po -na =wɛ a win nua ye gbo, =nɪ -han -tɔplɪ =nu nu, -i kɔ ke -na =wɛ, ʋʋ 'o -mu 'nyre =hɛɛn. ɛ kɔ nahuin -ye, =betɪ 'waa =wɛ ʋʋ =nu 'nyre =hɛɛn, ʋ 'ni pu -le nua ye gbo. Nɛ- nue, 'ʋ sia, 'ke 'o -Yusu a =wɛ a yekuole a -ta 'mu. ²⁰'Ke

'le -nu -heyri, 'ke Himene kɔ Alesadri 'heɛn, ʋ ni 'le. Nɛ- nue, 'ni pu 'kuo -huɪn a nyigblaka Satan kwa, -ɛ die nu, ʋ 'mu -sʋɛ 'ye, ʋ 'mue yi, -ɛ mɔ, nyɔ 'ni -tu -le Nyɪsua -ti -huɪn yɾɛ.

-Tɛ -a kɔ -ba nu -tɔpli a nunue, 'ke 'le 'cʋɛ 'kwli 'mu

2 ¹Ye-hɛɛ, 'nu 'a mu -hʋa, 'a mu -Yusu a nahuin ba nu, nɛ- mɔ ba da Nyɪsua, 'ke 'o nahuin 'bii a -ta 'mu, ba pu 'le Nyɪsua kwa 'mu, ba -nyi Nyɪsua 'wio, 'waa -ti. ²Ba da Nyɪsua, 'ke 'o 'kunpu kɔ bodɔpu kɔ 'blugba a ye'munaanyu 'bii a -ta 'mu, -ɛ die nu, -a 'mu plu a bleɛle kɔ, ɛ kɔ kegbowɛɛnle 'heɛn, kɛ nɔ 'klo ke. -Ba -tuu 'o Nyɪsua 'o, kɔ, -a ni nunuklo bɔ 'sii 'o ye. ³De a -gbe, nɛ- nɔ 'yi le, 'ke 'o Nyɪsua ye. Nɔ- waa -a mu, ⁴kɔ, ʋ nye -wɛ -hʋa, 'ke bɔ waa nahuin 'bii, kɔ, bu yi -ti a -tɛɛ. ⁵Nyɪsua 'ya -do. 'Ke ʋ ni 'le 'pia -ye ke, -tunahuin 'ʋ ni nɔ 'pia -ye ke. Nahuon -do, nɔ- ni 'o Nyɪsua kɔ -tunahuin 'heɛn a -gbahlon. Nahuon a -gbe, nɔ- mɔ -Yusu 'Klɪsʋ, ʋ -he -tunahuon. ⁶ʋ di 'le -le, ʋ -ha 'a dɔnu, ʋ 'ku, 'ke 'o nahuin 'bii a -ta 'mu, ʋ 'mu -gbla, 'ke 'le 'waa dɛ 'kuku wlon, ʋ 'mu 'a nahuin 'mu nuu. Kɛ'ɛ ni, -Yusu nue nahuin 'a tɔɔle, -ɛ mɔ, Nyɪsua -hʋa bɔ waa nahuin 'bii. Ti -nu, Nyɪsua wa la 'du, 'kee ni, -Yusu tɔɔ nahuin dɛ a -gbe. ⁷Nɛ- kɔ -ti -Yusu ʋ nuu 'mu 'a leɛenyo 'mu, kɔ 'a -wɔnnaanyɔ 'heɛn, -ɛ die nu, nahuin -nu, -ʋ 'de -Juukʋɛ, 'mu Nyɪsua a -hapɔtitie tɔɔ, ʋ 'mu -Yusu -wlu ye kuo, kɔ, ʋ 'mu -ti a -tɛɛ yi. -Ti -gbo, 'nu -tu, i mɔ -ti a -tɛɛ ni, i 'de hi.

⁸'A -ti 'klɛɛ, 'n nye 'ni -hʋa, nyibɛpu bu da Nyɪsua, 'ke 'o 'ɛ ni -tɛgbi -de. 'Bu nyo da, 'waa -wli bi 'sii 'o ye, yɾu kɔ gble 'heɛn ni ni 'le 'le 'waa -wli ke.

⁹Nyɾugbapu -mɛ -ye, 'waa 'huɪn'mɛlepue-tɔpli, ʋʋ 'huɪn 'mu le pue, bi kɔ 'o, ʋ ni 'yaa 'le 'le 'waa dɔnu. 'Waa 'yilenunɔ, ʋ ble ye bu -mɔ le, ɛ 'de bu hra 'li, -u nahuin 'mu gble 'ta, kɔ, bu -tu 'le 'bɔ nu 'mu le, bu po -gbei dabu 'mu le, kɔ, bu po 'cun.i dɔ le, kɔ, bu po -wɛ -tɔpli -nu 'huɪn 'mu le, -u -die po 'dɔ. ¹⁰-Tɛ 'waa 'yilenunɔ kɔ bɛ ni 'mu, nɛ- -gbo: 'Waa nunuklo bɔ 'sii 'o ye. 'Buɪ le naale nu, -ye nahuin, ʋ nye 'ni 'ye, -ɛ mɔ, nyɾugbapu a -gbe, ʋ nʋɛ Nyɪsua 'mu ni, 'ʋ nyo 'o -tuu. ¹¹Nyɾugbapu 'buɪ Nyɪsua a tɔɔwin 'wɔn, ʋ ble ye bu po 'o nʋa gbo, bu -tuu 'o 'cʋɛ a ye'munaanyu -nu, -ʋʋ Nyɪsua a -ti tɔɔ. ¹²'Ni -hʋɛ -le, 'ke nyɾugba bɔ tɔɔ nyibeyu Nyɪsua a -ti, kɔ, 'ni -hʋɛ -le -wɛ, 'ke nyɾugba bɔ kɔɔ nyibeyu win ke, kɛɛ, bɔ po 'o nʋa gbo, ¹³-ɛ nue, Adamu, nɔ- Nyɪsua nu -tite, 'plu ʋ ni 'a nyɾugba, ʋ mɔ ɛfu. ¹⁴'Ya 'o lele 'lu, Satan, ʋ mɔ 'kuo -huɪn a nyigblaka, ɛ 'de Adamu, ʋ 'dio mɛ le -ha, 'ke bɔ kaa -nɔ, kɛɛ, nyɾugba, nɔ- -huɔ mɛ le, ʋ kaa -nɔ, 'plu nyɾugba a -gbe, ʋ 'wla Nyɪsua a tete. ¹⁵Kɛɛ, -beti bɛ ni le 'mu, nyɾugbapu di kɔ 'yuo-pɪi, 'plu Nyɪsua 'mu waa, 'bɪa 'bu 'cipi 'o 'a -wlu a yekuole, kɔ, 'bu nʋɛ nahuin 'mu, kɔ, 'waa nunuklo bɔ 'sii 'o ye, 'ke 'o Nyɪsua ye, kɔ, 'bu 'nɪni 'yaa 'le 'waa dɔnu.

'Cʋɛ a 'yie-tunyɔ

3 ¹Wintɛ -gbo, -ɛ mɔ -tɛɛ a wintɛ, ɛ nɛ- -gbo: Nahuon 'bɔɔ -hʋa bɔ 'ya 'cʋɛ a 'yie-tunyɔ 'mu, dɛ ʋʋ 'lu -wɔn le -hie, ɛ mɔ 'yilenɔdɛ'ɛ ni. ²'Cʋɛ

a 'yie=tunyo, 'a nunuklo ble ye bo no 'yi le, -ε die nu, nahuon =de 'ni -hion -ti yee, ko, ɔ ble ye bo 'ya nyrɔɔ -do a tɔ^a, ɔ ko bo yi 'a dɔɔnu a naale, ɔ ko bo -hie 'lu le -tɛɛ, 'a nununmli bi 'sii 'o ye, ɔ ko bo kikle 'dagbi =nu le -tɛɛ, -uu 'le 'a kayu gbo pa, ko, ɔ ko bo yi Nyisva a -ti a tɔɔle -tɛɛ, ³ɔ 'de ye ble bo -hie 'a dɔɔnu no wɔn, ɔ 'de ye ble bo ni yru ye, keɛ, ɔ ko bo ko =wlu a 'lila, ko, ɔ ble ye bo =muɛ le, 'ke nahuin 'bii bu ko kegbowɛɛnle, ɔ 'de ye ble bo nɛ 'wliye 'mu 'dɔ, ⁴ɔ ble ye bo yi 'a kayu a naale -tɛɛ, bo nue, 'a 'yuo=pli bu ko 'o 'a 'o=tuule -tɛɛ, ⁵-ε nue, nahuon 'bo 'de 'a -gbe a kayu a naale yi, -ye ɔ 'die 'le -we bo naa Nyisva a 'cuɛ.

⁶'Bia 'baa 'o 'cuɛ a 'yie=tunyo gbo =tu, ɔ ni 'ya 'le nahuon =nu 'mu, ɔ -he le ke -Yusu a nahuon. 'Bia 'bo 'ya nahuon =nu 'mu, ɔ -he le ke -Yusu a nahuon, -ye ɔ di 'le 'a dɔɔnu 'ni 'yaa. 'Bo nue, -ye Nyisva a -bati dio 'ni kɔ, -ε 'we =no ye, -tɛ i nu, 'i kɔ 'kuo -huin a nyigblaka. ⁷Nahuon -gbo, ɔ di 'cuɛ a 'yie=tunyo 'mu 'ya, ε nye 'ni -hwa, nahuin =nu, -v 'de -Yusu a nahuin, bu ko 'o 'a 'o=tuule. Nε- 'de =nε, ɔ di pɔ 'waa 'yie, 'plu v 'muo -ti yee, -ye 'kuo -huin a nyigblaka -we 'le =le bo ko ye, ɔ 'ni =han -kuan nu -tɛɛ.

'Cuɛ a 'mu-henyu

⁸'Cuɛ a 'mu-henyu -mε -ye, v ko bu bi gblo ye. U 'de ye ble bu naa 'lɔi 'hɔn. U ni 'na 'le no 'dɔ. U ni nɛ 'le 'wliye 'mu 'dɔ. ⁹'Waa nunuklo bo 'sii 'o ye, -ε die nu, 'waa =wli 'ni -hiun 'nyre =hɛn. 'Plu wintε -gbo, Nyisva tɔɔ =nu, bu 'ble kwa -tɛɛ. ¹⁰'Plu a 'mu 'o 'cuɛ a 'mu-henyu gbo mu =tu, ye-hede, a ko ba nu, nε- mɔ, ba =tu 'yri. 'Ba 'ye, -ε mɔ, 'waa nunuklo 'sii 'o ye, -ye ba =tu 'o gbo.

¹¹'Waa nyru -mε -ye, 'waa nunuklo bo 'sii -wε 'o ye. ε 'de ye ble 'waa pupowin bi nyre 'yi le. U ble ye bu bi gblo ye. U ble ye bu 'ya nyru gbapɔ =nu 'mu, nahuin -we 'le bu kuo =wlu ye.

¹²'Cuɛ a 'mu-henyu, 'a nahuon, ɔ ble ye bo 'ya nyrɔɔ -do a tɔ^b. ɔ ble ye bu yi 'a kayu a naale -tɛɛ. ¹³'Cuɛ a 'mu-henyu 'buu -kuan nu -tɛɛ, -ye nahuin diu 'o 'ni =tuu. 'Buu -Yusu a -ti =tu, v 'dee bu pɔ nahuon =de a huannu, -ε nue, v kuo -Yusu ye =wlu -tɛɛ.

Dε gblaka =nu, -ε -hli nahuin 'yi ke, 'plu Nyisva tɔɔ -a mu

¹⁴Timote, 'nu -mu -wɔn 'ni 'cru, keɛ, 'na =wlu nye wɛn 'ni -hwa, 'ke =bo di wɛn 'le -mu -wɔn. ¹⁵'Na 'ledidie 'bεε gbo -wɛn, 'crunε -gbo, ε nε- die -mu tɔɔ, -tε Nyisva a =tugba a nahuin ko bu nu 'waa dɔɔnu a naale. =Tugba a -gbe, nɔ- mɔ 'cuɛ. 'Klɔhienyisva a 'cuɛɛ ni. 'Cuɛ, nε- 'ble Nyisva a tɔɔwin kwa, -i mɔ -ti a -tɛɛ, -ε 'we =no ye, -tε 'katui nu, 'i 'ble 'ka-gbo. ¹⁶-Ti a -tɛɛ a -gbe, ε -hli o nahuin ke 'yi, Nyisva 'o tɔɔ -a mu. ε nye -a mu 'ni tɔɔ, -tε -a ko -ba nu Nyisva a 'hru a nina. -Ti a -tɛɛ a -gbe, ε mɔ dε gblakaa ni, -ε mɔ:

^a 3.2 -hee': ɔ 'de ye ble bo nu -wlawli ^b 3.12 -hee': ɔ 'de ye ble bo nu -wlawli

-Yusu 'Klɪsɔ, ɔ -hɛ -tɔnahuon,
 'ɔ di nɔ 'klɔ ke,
 kɛɛ, Nyɪsɔ a -Hihiu tɔɛ nahuin nɪ,
 -ɛ mɔ, ɔ mɔ Nyɪsɔ a 'Yuu nɪ.
 -Tɛ ɔ nɪ 'mɔ, kɛ Nyɪsɔ a lɛleenɔ nu 'a 'yiye,
 nahuin 'v =tu 'a -tɪ,
 'ke 'le daku 'bii -hɛyri,
 daku a -gbɛ a nahuin a gbleglei 'v kuo =wɔ ye,
 Nyɪsɔ 'ɔ gbɔ 'le yako 'mɔ,
 'ɔ -nyi =nɔ -tɪ a 'yi'buaale.

Nahuin -nɔ, -vɔ hɪtɔɔlɛ tɔɔ

4 ¹Nyɪsɔ a -Hihiu, v nyi 'nɪ =tu, 'lele'boɔti 'yri, 'plu -Yusu 'mɔ 'le di, ɛ di kɔ nahuin, -v 'nɪnɪ dio 'klɛɛ lele =wɔ ye kuo, v 'mɔ nahuin =nɔ nɔ ye gbo po, -v mɔ hɪwinwɔn-hɛnyɔ, 'plu, hɪwinwɔn-hɛnyɔ a -gbɛ, 'kuo -hɔn a tɔɔlɛ, nɛ- vɔ -wɔn kɔɛ. ²Hɪwinwɔn-hɛnyɔ a -gbɛ, vɔ naa 'lii 'hɔn, 'vɔ hɪ lɛ 'du. 'Waa =wɔ 'nɪ =hɛn =le =nɔ 'nyre, 'bɔv hɪ a -gbɛ 'du. ³Nahuindɔ a -gbɛ, v nɔ 'nɪ, nyɪbɛpɔ kɔ nyɪrɔ 'hɛn, v nɪ kɔkɔ 'le. 'Ya 'o lele 'lu, v nɔ 'nɪ, ɛ kɔ didi-tɔplɪ -ye, nahuin nɪ di 'le. Kɛɛ -ye Nyɪsɔ nu didi-tɔplɪ a -gbɛ nɪ, -ɛ die nu, nahuon 'bɔ nɪ 'o, 'bɔ kuo -Yusu 'Klɪsɔ =wɔ ye, 'bɔ yi -tɪ a -tɛɛ, -ye bɔ -nyi Nyɪsɔ 'wio, didi-tɔplɪ a -gbɛ a -ta 'mɔ, ɔ 'mui di. ⁴ɛ nɪ dɛ, Nyɪsɔ nu, ɛ nu -tɛɛ. -A 'dɛ ye blɛ -ba yraa 'a dɛ -ye, 'bɪa =baa Nyɪsɔ 'wio -nyi, 'ke 'o 'a -nyinyi-tɔplɪ a -ta 'mɔ. ⁵Dididɛ, -aa di, ɛ 'sii 'o ye, 'ke 'o Nyɪsɔ ye, -ɛ nue, Nyɪsɔ a -gbɛ, ɔ nyi 'nɪ =tu, kɔ, -ɛ nue, -a nyo 'nɪ da, 'bɪa =baa dɛ di, 'ke bɔ nu -a mɔ =hapɔdɛ 'mɔ.

-Yusu 'Klɪsɔ a -tɛɛ a -kvannunɔ

⁶-Tɪ -gbo, 'nu =tu, 'bɪa =nɪ nyi -Yusu a nahuin tɔɔ, -ye -mɔ mɔ -Yusu 'Klɪsɔ a -tɛɛ a -kvannunɔ. ɛ 'we =nɔ ye, Nyɪsɔ a wintɛ, -n kue ye =wɔ, 'plu -tɛ ɛɛ po, kɛ'ɛ nɪ, -nɪ naale nu. -Ye Nyɪsɔ a -hapɔtɔɔlɛ, nɛ- -nɪ -wɔn kɔɛ. ⁷Kɛɛ, 'datigbi, -ɪ 'nɪnɪ da dɛ =dɛ, 'plu Nyɪsɔ 'nɪnɪ -hɔv, -nɪ pui 'le nɔ ye gbo. =Mɔ lɛ 'ɛ nɪ ti, -tɛ Nyɪsɔ a 'a -hɔhɔv nu, kɛ'ɛ nɪ, -bɔ nu naale. ⁸Nahuon 'bɔ 'cipi 'o cigbei a lɛ'gbɔgbɔ, -ɛ die nu, 'a 'hɔn 'mɔ -tɛɛ nu, ɛ mɔ 'mɔ-hɛɛlɛ gbi'i nɪ. Kɛɛ, -tɛ Nyɪsɔ a 'a -hɔhɔv nu, 'bɔ lɛ naale nu, dɛ a -gbɛ, nɛ- mɔ 'mɔ-hɛɛlɛ gblaka, kɛ nɔ 'klɔ -gbo, -a nɪ nɔ ke, kɔ 'ke 'le Nyɪsɔ a 'klɔ yrayɪv =nɔ 'kwɪ 'mɔ, -ɔ di 'le di. ⁹-Tɪ -gbo, 'nu =tu, ɪ mɔ -tɪ a -tɛɛ nɪ. Nahuin 'bii blɛ ye bɔ 'bli kwa. ¹⁰-A kuo 'Klɔhienɪsɔ ye =wɔ. Nɛ- nue, =aa 'o 'klɪ =tu, =aa =sɔɛ 'ye, =aa 'a -kvan nu. Nyɪsɔ a -gbɛ, nɔ-ɔ nahuin 'bii waa, kɛɛ, sɛyɪ-sɛyɪ, nahuin =nɔ, -v kuo -Yusu =wɔ ye, nɔ- ɔ waa.

¹¹-Tɪ 'bii -gbo, 'nu =tu, 'nu ke -tɛɛ, -bɔ tɔv nahuin -tɛɛ, v 'mui yi. ¹²=Nɪ wɛɛn 'le ke, nahuon =dɛ nɪ =tɔ 'le 'le -mɔ, -tɛ -n 'ya gblotayɔ 'mɔ a -tɪ. Kɛɛ, -na nunuŋmli bɪ tɔɛ -Yusu a nahuin, -tɛ 'waa nunuŋmli kɔ bɪ nɪ 'mɔ.

Ɛ 'we =nɔ ye, -tɛ -na pupowin nɪ 'mʊ, -tɛ -na 'yrinaabʊ nɪ 'mʊ, -tɛ -na nahuin a 'mʊvɛle nɪ 'mʊ, -tɛ -na Nyɪsʊa a =wɔ a yekuolɛ nɪ 'mʊ, -tɛ -na =wɔ a 'oye'siile nɪ 'mʊ, ɪ 'bii a -gbɛ, bɪ tʊɛ -Yusu a nahuin, -tɛ 'waa 'klɔ kɔ bɔ nɪ 'mʊ. ¹³Plu 'mʊ 'le -mʊ -wɔn di, 'cipi 'o Nyɪsʊa a wintɛ a -hihre, 'ke 'o nahuin ye. Yrie -nʊ 'mʊ lɛ, kɔ, tʊɛ =nʊ. ¹⁴Dɛ =nʊ, -ɛ kɔ 'klɪ Nyɪsʊa -nyi la -mʊ, 'ke -bo nu, dɛ a -gbɛ, =nɪ nue 'le -sɔgbɔlu klɛ. 'Klɪ a -gbɛ, Nyɪsʊa -nyi la -mʊ nɪ, ti =nʊ -kɔ 'yri 'cʊɛ a winwɔn-hɛnyʊ =tui la, kɔ, 'cʊɛ a ye'munaanyʊ, ʊ po la -mʊ dabʊi 'lu gbo. ¹⁵Klɪ =nʊ, Nyɪsʊa -nyi la -mʊ, nui -kʊan 'yri -tɛɛ, -ɛ die nu, nahuin 'bii, ʊ 'mʊɛ 'ye, -ɛ mɔ, -na -Yusu a =wɔ a yekuolɛ klɛ 'nɪ bii -tɛɛ. ¹⁶-Na -gbɛ, =tu -na 'yrinaabʊ 'yie, kɔ, -tɔplɪ =nʊ, -nɪ nahuin tɔɔ, =tui -wɛ 'yie. 'Cipi 'o 'a nunue. =Nu lɛ 'a nunue nu, -ye Nyɪsʊa di -mʊ 'nɪ waa, kɔ nahuin =nʊ, -ʊʊ -wɛ -mʊ nʊa ye gbo po.

5 ¹Nahuin -gbo, -ʊ mɔ kukunyʊ, 'bia =nɪ nyu =tɔ 'mʊ po, =nɪ -hʊn 'le 'nyre, kɛɛ, 'prʊʊ 'le -wɔn, 'ke 'le 'waa 'o=tuule 'kwli 'mʊ, -ɛ 'we =nɔ -na bunʊ ye. Gblotayuo -mɛ -ye, 'prʊʊ 'le -wɔn, -ɛ 'we =nɔ -na 'diayuo nyɪbɛpʊ ye. ²Nyɪv kukui -mɛ -ye, 'prʊʊ 'le -wɔn, -ɛ 'we =nɔ -na 'diinʊ ye. Nyɪrɔkʊɛi -mɛ -ye, 'prʊʊ 'le -wɔn, -ɛ 'we =nɔ -na 'diayuo nyɪvʊyuo ye. -Na 'lu a lɛ-hiele, 'ke 'o 'waa -ta 'mʊ, bɛ 'sii 'o ye.

-Tɛ -Yusu a nahuin di nu, ʊ 'mʊ kotianyrʊ 'mʊ -hɛ

³Nyɪv =nʊ, -ʊ mʊ kotianyrʊ, 'bʊ 'de 'mʊ-hɛnyɔ =dɛ kɔ, -n kɔ -bo =tuu 'o, 'plɪ -bo kɔ 'le 'waa dɛ -wɔn. ⁴Kɛɛ, 'bia 'a nahuon 'bɔ kɔ 'yuo=pli, -heɛ' 'a 'yuo=pli, 'bʊ kɔ 'yuo, tʊɛ =nʊ, -ɛ mɔ, nʊ- blɛ ye -bʊ kikle 'waa 'dii lɛ, -ɛ 'we =nɔ ye, -tɛ 'waa 'dii a -gbɛ kɔ 'waa bʊ 'hɛɛn, ʊʊ la nu, 'ʊ nyu la lɛ kikle. Dɛ a -gbɛ, nɛ-ɛ Nyɪsʊa a plɔ blee. ⁵Kotianyrɔ =nʊ, -ɔ 'de 'mʊ-hɛnyɔ kɔ, Nyɪsʊaa -do, nɔ- ɔ kuo =wɔ ye, 'ɔ nyo da, 'tɔ 'mʊ kɔ -nyrɛ 'mʊ, 'ke bɔ -hɔ 'mʊ. ⁶Kɛɛ, kotianyrɔ =nʊ, -ɔ nʊɛ 'klɔ -gbo ke a -tɔplɪ 'bii 'mʊ, -hapʊkɔ, 'ɔɔ -hʊnhlʊn po, kɛɛ, ɛ 'we =nɔ ye, ɔ 'kʊ nɪ, 'ke 'o Nyɪsʊa ye. ⁷-Tɪ 'bii -gbo, 'n =tu, tʊɪ nahuin, -ɛ die nu, ʊ 'mui nu, nahuon =dɛ 'nɪ -han 'hru 'ye, 'ke bɔ yɛɛ =nʊ -tɪ. ⁸Nahuon 'bɔ nɪ 'o, 'bɔ 'nɪnɪ -hɛ 'a 'dʊkʊɛ 'mʊ, sɛyɪ-sɛyɪ 'a kayugbokʊɛ, -ye ɛ 'we =nɔ ye, ɔ 'kee -Yusu a =wɔ a yekuolɛ nɪ. 'A nunuklɔ nyre lɛ 'yi, 'ɔ -hi 'o nahuon =nʊ, -ɔ 'de -Yusu yi a 'klɔ 'mʊ.

-Kʊan =nʊ, kotianyrʊ di nu

⁹Kotianyrɔ, 'plɪ a 'mʊ 'a 'dʊ 'cru, 'ke bɔ nu Nyɪsʊa a -kʊan, kɔ, 'ke 'cʊɛ a nahuin 'mʊo lɛ kikle, kotianyrɔ a -gbɛ, ɔ blɛ ye bɔ -hi 'yri a -wɔ ta 'lu 'mʊ, 'plɪ ɔ blɛ ye bɔ 'ya la nyɪbɛyuu -do a nyɪv 'mʊ. ¹⁰ɛ blɛ -wɛ ye, nahuin bʊ =tu 'a =hapʊ-tɪ, 'ke 'o 'a nunuklɔ a -ta 'mʊ. ɔ blɛ ye bɔ naa la 'a 'yuo=pli -tɛɛ, bɔ 'ble la 'dagbɪ kwa -tɛɛ. -Yusu a nahuin, -ʊʊ la 'le =nɔ -wɔn pa, ɔ blɛ ye bɔ 'blu la kwa -tɛɛ, bɔ -hɛ la =sʊenyʊ 'mʊ, bɔ 'cipi la 'o =hapʊdɛ a nunue. 'A nunuklɔ 'bɔ nɪ la lɛ 'mʊ, -ye ɛ nɔɔ 'o lɛ, 'ke -bo 'cru 'a 'dʊ, 'cʊɛ 'mʊo lɛ kikle.

¹¹ Kεε, kotianyrv =nv, -v 'kie 'yεε nyɾkɔvɛi 'mu, =ni 'cru 'le 'waa 'dvi, -ε nue, Nyisva a -kvan =nv, -ɔ kɔ -ti v le o -Yusu 'Klɩsv, v plε, v di o nu, ti =nv -kɔ 'yri tɔkɔtv diu nu, -ti a -gbε, i di =nv -wɔn 'ni -hri, -ye v di kɔ tɔ. ¹² Buv le 'a nunue nu, -ye Nyisva a -bati diu 'ni klɩ, -ε nue, dε, v po o 'le, 'ke 'o -Yusu 'Klɩsv ye, v 'die nu. ¹³ Ya 'o lele 'lu, kotianyrv a -gbε, 'cve a nahuin 'bu nyu le kikle, -ye v -hε hlεkenyv, 'bv kayuo a -dodo gbλε naa. Ε 'de ε -do a -gbε, v 'ni nue =le, kεε, vv le po wun 'dɔ, 'waa mε 'ni pɩ =le -ti lε. -Ti, v 'de ye blε bu =tu, ni- vv =tu. ¹⁴ Nε- nue, 'ni nye -hva, kotianyrv a -gbε, -v 'de le 'mυεε, bu kɔ tɔnv yrayri, v 'mu 'yuo=pli kɔ, kɔ, v 'mu 'waa kayuo naa -tεε, -ε die nu, nahuin =nv, -v 'de -a mu -Yusu a nahuin 'mu nve, v 'ni -han 'hru 'ye, 'ke bu yεε -a mu -ti. ¹⁵ N nyi 'ni =tu, -ε nue, 'dai kotianyrv, -v 'de wen 'yriɔv a -gbε ke a yεε, v hie 'o Nyisva a 'hru gbo, 'bv Satan -wɔn kɔε, -ɔ mo 'kuo -hvɩn a nyigblaka.

¹⁶ Kotianyrv 'bɔ ni 'o, 'ke 'le 'a 'dɔkɔε -hɛyri, 'bε kɔ nyrvgba =de, -ɔ kuo -Yusu =wlv ye, nɔ- blε ye -bɔ kiklo lε. Ε 'de ye blε, 'cve a nahuin bu kikle kotianyrv a -gbε lε, -ε die nu, kotianyrv =nv, -v 'de 'mu-henyɔ =de kɔ, 'cve a nahuin 'mu lε kikle.

'Cve a ye'munaanyo

¹⁷ 'Cve a ye'munaanyv, 'bv 'cve naa -tεε, -ye 'cve a nahuin blε ye bu -hv 'mu, kɔ, bu =tuu 'o. Bu =tuu 'o nahuin =nv -tεε, -vv 'o 'klɩ =tu, -vv Nyisva a -ti tɔ. ¹⁸ Ε mɔ -tεε, kε Nyisva a wintεε po: «Bri -gbo, -εε =gbɩ hɩhvɔ, a 'de ye blε ba mυε wien lε, -ε die nu, ε 'mu dε di.» Kε εε lele po: «Nahuon -gbo, -ɔɔ -kvan nu, ε blε ye bɔ kɔ 'pεεε.»

¹⁹ 'Cve a ye'munaanyv, nahuon =de 'bɔ nyo -ti yεε, =ni puo 'le nva ye gbo, kεε, 'bu -wε 'le 'hɔn kɔ ta, 'bu nyo -ti yεε, -ye -bɔ pu nva ye gbo. ²⁰ 'Cve a ye'munaanyv 'bɔ nu 'yilenyredε, -hɩɔn 'nyrε, 'ke 'o nahuin 'bii ye, -ε die nu, nahuin -ye, v 'mu hvannv pɩ, 'ke bu nu -wε 'yilenyredε.

²¹ Nu -mv lε 'ni 'bati, 'ke 'o Nyisva ye, kɔ 'ke 'o -Yusu 'Klɩsv ye, kɔ 'ke 'o Nyisva a leleenyv 'heεn ye, ɔ -ha 'le du 'mu, -ti 'bii -gbo, 'nu =tu, =tui 'o. =Ni 'jra 'le nahuin 'yi 'mu lε, po -tεε a -bati, =betɩ nahuon =nv, v yεε -ti, bɔ 'ya -na ninatumu 'mu. ²² Plu -mv 'o nahuon gbo mu =tu, 'ke bɔ nu 'cve a -kvandε, =tvɔ 'yri -tεε. =Ni nu 'le dε =de, -ε die nu, nahuin 'ni -han lε po, nahuon 'bɔɔ dε 'kuku nu, =ni puo =le mε lε. -Na -gbε, -na 'yrinaabv bɩ 'sii 'o ye.

²³ -Na 'kwli =nv, -ε 'cipi 'o kɩkla a -ti, =ni 'na 'le 'klεε lele 'niee -do, kεε, 'na -wiin a dε.

²⁴ Ε kɔ nahuin -ye, 'waa dε 'kuku, vv nu, ε 'de -hli. Nahuin 'bii, v nye 'ni 'ye, 'plu Nyisva a -batipo-nyrvɔwɔ 'mu 'o nyre. Ε kɔ -wε nahuin -ye, -nyrvɔwɔ -kɔ 'mu Nyisva di 'o -bati 'o poo, 'ke 'waa dε 'kuku di 'o pepe' 'mu bi. ²⁵ Ε -do a -gbε, nε-ε ni, 'ke 'o =hapv-tɔplɩ =nv, nahuiin nu a -ta 'mu. 'A dε -ye, nahuin nye 'ni 'ye. Kεε, 'a dε -ye, nahuin 'ni 'ye =le. Kεε, =betɩ bε -hli, -tε ti ni lε 'mu -gbo, mu 'le ye 'mu, ε di 'mu bi pepe'.

-Kvannunyu -gbo, -v ween -Yusu a -ti ke, v
ble ye bu -tuu 'o 'waa nyigblaki

6 ¹Ke 'le -Yusu a nahuin -heyri, nahuin 'bii, -v mɔ -kvannunyu, v
ble ye bu -tuu 'o 'waa nyigblaki, -ε die nu, nahuin 'ni -han Nyisua
a 'du 'yi le nyre, kɔ, v 'ni -han -ti -hvin le =tu, 'ke 'o Nyisua a tɔɔwin ke.
²Nyigblaki a -gbe, 'bu kuo -Yusu =wlv ye, 'waa -kvannunyu 'de ye ble bu
'kee 'waa 'o=tuule, -ε nue, v mɔ 'diayuoɔ ni. Kεε, de v kɔ bu nu, nε- mɔ
bu =tu 'waa -kvan =nv, vɔ nu 'yie, -ε nue, 'buv le 'a nunue nu, -ye vɔ 'waa
nyigblaki a -gbe 'mu 'ni -he, -v mɔ -wε -Yusu a nahuin, 'plu, v nve 'mu.

Ba =tu 'a ni dɔnv 'yie, 'ke 'o hutɔnv -wɔn, -v nve 'wliye 'mu 'dɔ

-Tɔpl -gbo, 'n 'preε ke, tvɔ nahuin, kɔ, pu =tɔ 'mu, v 'mui nu. ³Nahuon
=de, 'bɔ tɔɔwin -ye tɔɔ, 'na -gbe, 'n 'de tɔɔ, kɔ, 'bɔ 'nini 'ble -a ni Kukɔnyɔ
-Yusu 'Klɩsɔ a =hapɔwin kwa, kɔ, 'bɔ 'nini ween -wε -ti -gbo ke, -aa tɔɔ, -te
nahuon di naale nu, 'ke 'o Nyisua ye a -ta 'mu, ⁴-ye ε =hen 'nyre, nahuon
a -gbe, ɔ 'yaa 'le 'a dɔnv ni. ɔ 'de de =de yi. Dεε -do, ɔ le =mɔ, nε- mɔ bɔ
po gble, kɔ, bɔ po =yuei, 'ke 'o winbɔ a -ta 'mu. -Tɔpl a -gbe, ɪ nye 'ni nu,
nahuin, -v nyu nva ye gbo po, 'v kɔ ca, 'vɔ =yuei po, 'vɔ tanɪ =tutu, 'vɔ
-tɔpl -hvin 'lu -wɔn le -hie, 'ke 'o 'waa 'bienv -wɔn, ⁵'v kla gblepo-ti, -ε
nue, 'waa 'lu a le-hiele nyre le 'yi, 'plu v 'de 'klεε lele -ti a -tεε yi. ɔ -mε
-ye, v nɔ 'ni, 'buv Nyisvade nu, v di 'le =nɔ 'kwli 'mu 'yee 'wliye 'dɔ, v 'mu
plɔ a blele kɔ.

⁶ε mɔ -tεε, nahuon 'bɔ kuo -Yusu =wlv ye, -ye ɔ kɔ plɔ a blele, 'bia 'bɔ
'nini po le, de -gbo, ɔ kɔ, ε 'de -huo. ⁷-Te vɔ la -a mu kɔ, -a 'de la 'le de =de
ya. =Ba 'ku -wε, -a 'deε -ba gba de =de. ⁸'A -ti, -ba kɔ didide, kɔ, -ba kɔ -wε
'hvin'mulepue-tɔpl, -a 'ni po 'le le, de a -gbe, ε 'de -huo. ⁹Nahuin =nv, -vɔ
-hva -bɔ kɔ de, de a -gbe, nε- kɔ 'mu Satan, -ɔ mɔ 'kuo -hvin a nyigblaka,
ɔ 'le naa, ɔ nyu 'mu le =tɔ, -ε 'we =nɔ ye, -te tutuu dehve a kikle nu, 'v kɔ
'lu a le-hiele -hvan, 'vɔ bubɔ-tɔpl nu, 'waa 'klɔ 'bii 'ɔ nyre 'yi le, 'vɔ Nyisua
-wɔn hren 'bii. ¹⁰Nahuon bɔ nve 'wliye 'mu 'dɔ, nε-ε 'le 'yilenyre-tɔpl a
gblegblei ya. Nahuin -ye ni 'o, 'wliye a 'munvele a -ti, 'v 'kee kε -Yusu a
=wlv a yekuole, 'waa =wlv 'i 'yii 'o, 'ke 'o 'kla-wliye'yiya -wɔn.

'Lele'bɔɔwinte

¹¹Timote, -mε -ye o, -mɔ mɔ Nyisua a nahuon ni. Hren 'yilenyre-tɔpl
'bii a -gbe -wɔn. =Mue le, 'ke -na 'yrinaabɔ bɪ 'sii 'o ye. Nve Nyisua 'mu,
'cipi 'o -Yusu 'Klɩsɔ a =wlv a yekuole -tεε. Nve -na 'bienv -tɔnahuin 'mu. Kɔ
=wlv a 'lɪla, kɔ -na =wlv bu 'yɔɔ. ¹²-Te cigbeile'gbanyɔɔ nu, 'ɔ 'nini sta, 'ke
'o cigbei a 'gbugba a -ta 'mu, kε'ε ni, -bɔ nu, =ni sta 'le, 'ke 'o -Yusu a =wlv a
yekuole a -ta 'mu. 'Ble 'klɔ yrayru =nv kwa, -ɔ 'nini -wε 'le, -ε nue, Nyisua
-ha 'le -mu 'mu du, 'ke bɔ -nyi -mu 'klɔ yrayru a -gbe. 'Yileno-tɔpl =nv, -n

kuo =wlv ye, nɪ- kɔ -tɪ -n =tu la, 'ke 'o nahuin 'plɔplɔ ye. ¹³Nu -mu 'nɪ le, 'ke 'o Nyɪsua ye, -ɔ nye nu, 'plu -tɔplɪ 'bii 'ɪ nɪ 'klɔ, kɔ 'ke 'o -Yusu 'Klɪsɔ ye, -ɔ =tu la =hapv-tɪ, 'ke 'o -gʊlɔnɔma Pʊstɪ Pilatɪ ye, ¹⁴-tɪ =nu, -Yusu 'Klɪsɔ le -mu, -bo nu, =tui 'o, -bo nui 'bii, nahuon =de 'nɪ =han -mu -tɪ yɛɛ, ɛ 'mue gba -gbagba, -Yusu 'Klɪsɔ a -gbɛ, ɔ 'mu 'le di. ¹⁵Nyɪsua a -gbɛ, nɔ- wa ti =nu 'dʊ, -Yusu di 'le ya. Nyɪsua a -gbɛ, nɔ- mɔ 'Klɪkenɪnyɪsua. ɔ -do, nɔ- mɔ Nyɪsua. Nɔ-ɔ nahuin plɔ a bleelɛ -nyi. Nɔ- mɔ 'kunpɔ a 'Kun, kɔ bodɔpɔ a Bodɔ. Nɔ- mɔ kʊkɔnyɔ a Kʊkɔnyɔ. ¹⁶ɔ -do, nɔ- 'nɪnɪ 'kʊ. 'A gbonɔlɛ, nɛ- mɔ -nyɛ. -Tɛgbi a -gbɛ, nahuon =de 'de 'le -wɛ bɔ 'mʊɛ 'o ye. Nahuon =de 'dio -hlɪn a 'yee. Nahuon =de 'de -wɛ 'le 'a 'yiye -wɛ. Nahuin bu 'bʊaa 'a -tɪ 'yi. Nɔ- -bɔ kɔɔ nahuin win ke, -tɛ 'klɔ tɛ ye gbo. Kɛɛ nɪ, bɛ nɪ 'mu.

¹⁷Nahuin =nu, -v kɔ kʊkɔ-tɔplɪ -huo, kɛ nɔ 'klɔ -gbo ke, le =nu, v nɪ 'yaa 'le 'le 'waa dɔnɔ, kɔ, v nɪ kuo 'le 'waa kʊkɔ-tɔplɪ a -gbɛ =wlv ye, -ɛ nue, ɪ -wɛ 'le bɪ -wɛ gbo nɪ 'tata a ti 'yri. Kɛɛ, Nyɪsua, nɔ- bu kuo =wlv ye. Nɔ-ɔ -a mu -tɔplɪ 'plɔplɔ 'yi -hlɔn lɛ nu, -ɛ die nu, ɪ 'mu -a nɪ plɔ blee. ¹⁸Le =nu, bu nu =hapvɔɔ. 'Waa =hapv-tɪ, v di lɛ nu, nɪ- -bɪ -huo. 'Waa dabɪ bɪ 'huhue, 'ke bu -nyi nahuin dɛ, kɔ, bu nɔ 'mlɔ. ¹⁹Bʊv lɛ 'a nunue nu, -ye ɛ 'we =nɔ ye, vʊ gbo =tu =hapv-tɔplɪ, -ɪ 'nɪnɪ di gbo -wɛ, kɔ, -ɪ di =nu waa, 'ke 'le ye 'mu. Nɛ- die nu, v 'mu =hapv'klɔ kwa 'ble.

²⁰Timote o, dɛ =nu, Nyɪsua -nyi -mu, =tue 'yie -tɛɛ. Nahuin 'bʊv toto po, -ɔ 'nɪnɪ da dɛ =de, =nɪ po 'le 'le -na wuntɔ, kɔ, =nɪ bɪ 'le 'le 'waa tɔɔlɛ =nu -heyri, vʊ =hapv=tɔ daa. Kɛɛ, ɛ 'de =hapv=tɔ. ɛ mɔ hɪ. ²¹'N nyi 'nɪ -tu, -ɛ nue, 'dai nahuin, -vʊ totodv a -gbɛ po, v 'kee -Yusu a =wlv a yekuolɛ nɪ.

Kɛ 'n pue mɔ gbo. Nyɪsua bɔ nɪ 'o 'a mu -wɔn.